

## Transkription von Urkunde HAL 1341c

Ort, Datierung: Halle, 1341-08-01

Signatur: Stadtarchiv Halle, II, Urk., 29 U 1 Nr. 29 [\[online\]](#)

Inhalt: Albrecht tu Barboye unde tu Mulingen: Sühnebrief

---

Wie Albrecht vo(n) der genade godis , H(er)re tũ barboye . . / vn(de) greue , tũ , mulingen ,  
Bekenne(n) , ope(n)liken an disseme / ieghe(n)w(er)dige(n) briue . . Dat alle die schelinghe , vn(de)  
alle die / krich , die twische(n) den bürge(re)n , vo(n) Halle , vn(de) vns , gewe/set heft , wentũ her  
vru(n)tliken vn(de) ghentzlike(n) , berichtet , / is , vn(de) gesỹnet , Disse sũne hebben ge dedinget  
vn(de) ghe / maket vnse man , Wiprecht vo(n) Cerwist , vn(de) Hince von / mosekowe , voyt tũ  
barboye , vo(n) vnser weghene , vn(de) die / vrome(n) lũde , Hans thobyas , Hans drosan , vn(de) Hans  
beyger / bürge(re) tũ Halle vo(n) der stat weghene . . . vn(de) die selue(n) sin / ok thũghe disser  
dinghe . . Vp ein openbar orkũnde dat / disse vor be screuene sũne , von vns stede vnde ghanzt ghe /  
halden werde , so hebbe wie vorgna(n)te h(er)re vo(n) Barboye / vnse Ingesegele , an dissē brif ,  
gehanghe(n) , Na goddis gebort , / dusent iar drũhu(n)dert jar , jn deme einvn(de)virtegeste(n) iare , /  
jn sente piders daghe in der erne /